



NOGOMETNI/FUDBALSKI SAVEZ BOSNE I HERCEGOVINE

NOGOMETNI SAVEZ FEDERACIJE BOSNE I HERCEGOVINE

NOGOMETNI SAVEZ

SREDNJOBOSANSKOG KANTONA/KANTONA SREDIŠNJA BOSNA

IZVRŠNI ODBOR

P R O P O Z I C I J E

**Takmičenja/Natjecanja Omladinske lige Srednjobosanskog kantona/Kantona Središnja Bosna
za takmičarsku/natjecateljsku 2020/2021 godinu**

Travnik, Ožujak/Mart 2021. godine

Na osnovu odredaba člana 31 Statuta Nogometnog saveza SBK/KSB, člana 4 Pravilnika o nogometnim natjecanjima/takmičenjima N/FS BiH Izvršni Odbor na sjednici u Travniku dana ____ . ____ . ____ godine donose se sljedeće:

PROPOZICIJE

natjecanja/takmičenja Omladinske lige Srednjobosanskog kantona/Kantona Središnja Bosna za takmičarsku/natjecateljsku 2020/2021 godinu

OPĆE/OPŠTE ODREDBE;

Član 1.

Ovim Propozicijama utvrđuje se način organiziranja i provođenja natjecanja/takmičenja Omladinske lige NS SBK/KSB u kategoriji predpioniri, pioniri i kadeti za natjecateljsku 2020/2021 godinu.

UČESNICI TAKMIČENJA/NATJECANJA;

Član 2.

Natjecanje/Takmičenje se organizira u okviru lige predpionira, pionira i kadeta.. Takmičenje u okviru liga predpionira i pionira organizira se u dvije skupine »A« i »B« podjeljenu na teritorijalnom principu. U natjecanje/takmičenje navedenih liga učestvuju klubovi članovi Premijer lige N/FSBiH, Prve i Druge lige FBiH, kao i ostali klubovi registrirani u NS SBK/KSB i prijavljeni u odgovarajuće natjecanje.

Popis klubova Predpionira i Pionira po skupinama "A" I "B", kao i klubova lige kadeta utvrđuje izvršni Odbor NS SBK/KSB svojom odlukom prije početka kalendarom utvrđenog natjecanja.

Član 3.

Natjecanjem/Takmičenjem Omladinske lige predpionira, pionira i kadeta rukovodi Izvršni odbor NS SBK/KSB putem natjecateljskih organa.

Član 4.

Natjecanje/Takmičenje Omladinskih liga u kategoriji predpionira, pionira i kadeta provodi se po dvostrukom bod-sistemu jesen – proljeće, prema kalendaru natjecanja/takmičenja.

IZVOĐENJE NATJECANJA/TAKMIČENJA

Član 5.

Po završetku prvenstvenog takmičenja/natjecanja prvaci lige pionira i predpionira grupe »A« i grupe «B« organizirat će se završni dio natjecanja/takmičenja – doigravanje za prvaka pionira i predpionira na razini NS SBK/KSB, utakmica će se odigrati na neutralnom terenu, o mjestu i terminu odigravanja utakmice odlučit će na prijedlog komisija za natjecanje Izvršnog Odbora NS SBK/KSB.

Član 6.

Pobjednici u kategoriji predpionira i pionira , stječu pravo natjecanja/takmičenja u završnom dijelu natjecanja/takmičenja na razini NS F BiH za natjecateljsku/takmičarsku 2020/21 godinu.

Član 7.

Raspored prvenstvenih utakmica utvrđuje se žrijebom , uz mogućnost poludirigiranog žrijeba za klubove iz istog mjesta. Žrijebanje prvoimenovanog kluba koji učestvuju u doigravanja za prvaka u kategoriji pionira iz člana 5. Propozicija utvrdit će takmičarsko/natjecateljsko rukovodstvo odnosne lige posebnom odlukom, o čemu će klubovi blagovremeno biti obavješteni.

Član 8.

Utakmice kadeta igraju se dva puta po 40, pionira dva puta po 35 ,a predpionira dva puta po 30 minuta. Odmor između poluvremena traje od 10– 15 minuta.

DUŽNOSTI KLUBOVA;

Član 9.

Strogo se pridržavati mjera preporuka, opreza i zabrane, a koja se odnosi na pandemiju virusa COVID-19.

Klub domaćin je obavezan pripremiti teren za igru, a odluku o pogodnosti-uslovima terena za odigravanje utakmice donosi sudac utakmice.

Utakmice Omladinske lige igraju se na stadionu na kojem igraju seniorske ekipe (Kantonalne, Druge, Prve i Premijer lige), odnosno na stadionima koji ispunjavaju uvjete iz propozicija takmičenja omladinske lige NS SBK/KSB.

Član 10.

Klub je obavezan na stadion doći 60 minuta prije utvrđenog termina za odigravanje utakmice i nastupiti sa najboljim sastavom.

Član 11.

Klub domaćin obavezan je da delegatu utakmice obezbijedi prostoriju za brifing sa dovoljnim brojem stolica, komjutor sa ispravnim štampačem, dostupan pristup Comet informacionom sistemu. Delegat utakmice Omladinskog liga zapisnik i izvještaj sa utakmice dostavlja kroz Comet informacioni sistem. Delegat utakmice je obavezan u roku od 24 sata po odigranoj utakmici ili najkasnije prvi radni dan zaključiti delegatski izvještaj u Comet informacionom sistemu. Po završetku utakmice zapisnik sa utakmice sastavljen putem Comet informacionog sistema sravnjavaju delegat i sudac, nakon čega delegat zaključuje izvještaj fair-playa, a sudac utakmice svojom šifrom zaključuje zapisnik sa utakmice.

Član 12.

Klub domaćin obavezan je na svim utakmicama postaviti na jarbole državnu zastavu BiH, zastavu N/FS BiH, a mogu se postaviti zastave Federacije BiH, NS FBiH, NS SBK/KSB, kluba, kao i zastavu fair-playa. Postavljanje drugih zastava nije dozvoljeno, istaknute zastave moraju biti istih dimenzija.

Član 13

Klub domaćin je dužan da osigura redarsku službu sa dovoljnim brojem redara, prisustvo pripadnika policije, ljekara i dežurno sanitetsko vozilo, ili adekvatno vozilo sa oznakom Crvenog križa, sa osobljem i nosilima.

Klub domaćin obavezan je izvršiti prijavu utakmice (najavljenog skupa) kod nadležne Policijske uprave, te delegatu utakmice staviti na uvid izdato odobrenje za odigravanje utakmice (shodno važećim zakonskim propisima).

Klub domaćin dužan je da preduzme sve mjere u cilju obezbjeđenja/osiguranja ličnosti: članova gostujuće ekipe, sudija/sudaca, delegata i gledatelja za vrijeme odigravanja, tako i po završetku utakmice, sve do napuštanja stadiona i mjesta odigravanja utakmice.

Klubovi omladinske lige koji neposjeduju licenciranog trenera, minimalno (C licenca trenera), ljekara ili fizioterapeuta neće im se dozvoliti učešće u takmičenje za tekuću takmičarsku sezonu.

Kod izdavanja licence ljekara i fizioterapeuta kluba, potrebno je priložiti diploma o završenoj školi medicinske struke. **Bez prisustva policije, sanitetskog ili adekvatnog vozila, utakmica se neće igrati. (Uslučaju da nijedan od klubova neprijavi u zapisnik o utakmici licenciranog ljekara ili fizioterapeuta, a Delegat utvrdi da isti posjeduje stručno znanje iz medicinske struke identificirat će navedenu osobu putem osobne/lične karte ili putovnice/pasoša te o tome evidentirati u izvještaju delegata a, istom dozvoliti da u slučaju povrede pruži hitnu medicinsku pomoć svim akterima koji se nalaze na stadionu na kojem se odigrava službena utakmica).**

PREDSTAVNIK KLUBA:

Član 14.

Svaki klub na utakmicama stalnog takmičenja mora odrediti zvaničnog predstavnika kluba. Predstavnik kluba mora prisustvovati redovitim seminarima koje organizira takmičarsko rukovodstvo i mora biti akreditiran od strane NS SBK/KSB. Predstavnik kluba nemože biti trener ekipe koji je dobio takmičarsku akreditaciju u toj takmičarskoj godini, niti trener koji je u toj takmičarskoj godini dobio takmičarsku akreditaciju za vođenje drugog kluba. Predstavnik kluba za vrijeme odigravanja utakmice mora na vidnom mjestu imati istaknutu akreditaciju izdatu od strane NS SBK/KSB. Član Izvršnog Odbora NS SBK/KSB na prvenstvenim utakmicama omladinske lige nemože obavljati dužnost službenog predstavnika kluba. (sukob interesa).

Član 15.

Za vrijeme odigravanja prvenstvenih utakmica u igralištu pored terena za igru u zaštitnim kabinama mogu se nalaziti sljedeće osobe:

- predstavnik kluba sa amblemom kluba i licencom, koju izdaje NS SBK/KSB i važi za 2020/21 godinu.
- glavni trener i trener sa takmičarskom trenerskom akreditacijom PRO, "A", "B" ili "C" a iste važe za 2020/21. godinu, izdane od centra za edukaciju trenera N/FS BiH.
- ljekar kluba sa licencom, koju izdaje NS SBK/KSB i važi za 2020 odnosno 2021 godinu za drugi dio sezone.
- fizioterapeut sa licencom, koju izdaje NS SBK/KSB i važi za 2020 godinu, odnosno 2021 god. Za drugi dio sezone.
- najviše(9) rezervni igrača u sportskoj opremi.

NAJMANJI BROJ IGRAČA U IGRI;

Član 16.

Utakmica ne može da počne sa igrom ako jedan od timova nema najmanje 7 igrača. Igrači koji nisu upisani do početka utakmice u zapisnik, ne mogu nastupiti na utakmici. Ako jedan tim za vrijeme utakmice ostane sa manje od sedam (7) igrača, sudija je dužan da zaustavi igru, ukoliko u roku od pet (5) minuta klub ne nastupi s minimalnim brojem igrača sudac je dužan da odsvira kraj utakmice.

Član 17.

Svaki klub u zapisnik prijavljuje maksimalno **20 (dvadeset) igrača**, u igri učestvuje 11 igrača, a u toku utakmice mogu se izvršiti sedam (7) zamjena, osim kluba lige kadeta koji mogu izvršiti najviše 5 (pet) zamjena.

Klubovi koji nemaju minimalno 14 igrača u zapisniku utakmice snosit će disciplinske posledice, Spisak mora biti ovjeren i potpisan od zvaničnog predstavnika kluba.

OPREMA IGRAČA;

Član 18.

Klubovi moraju poštivati boju opreme kluba protivnika, koje su prijavili prije početka prvenstva u Sekretarijat/tajništvo saveza i objavljene putem informacionog glasila (internet portala i sl). Ekipe na službenim prvenstvenim utakmicama mora nastupiti u dresovima sa pridajućim grbom vlastite ekipe i u složenim bojama kluba koje je ekipa prijavila prije početka prvenstva. Ekipe na jednoj utakmici nemogu igrati u istoj ili sličnoj boji dresova, kao ni dresovima sa natpisom kluba iz druge države, u protivnom dresove će promijeniti domaća (prvoimenovana) ekipa. Za nepoštivanje navedenog delegat utakmice će prijaviti klubove zbog zanemarivanja obaveza i isti će snositi disciplinsku odgovornost.

Brojevi na dresovima moraju odgovarati brojevima na prijavi popisa igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi.

Predstavnici klubova dostavljaju delgatau sastav ekipa 30 minuta prije početka utakmice.

NEODIGRAVANJE, PREKID UTAKMICE, NENASTUPANJE RADI SUSPENZIJE;

Član 19.

Ako u roku od 15 minuta od određenog vremena za početak utakmice jedan tim ne nastupi s minimalnim brojem (7) igrača sudac će saopštiti timu koji je nastupio da se utakmica neće odigrati i to upisati u zapisnik.

Izuzetno, u slučajevima da klub nije mogao da nastupi usljed više sile, sudac će sačekati i nešto duže, ali će voditi računa o tome da utakmica može da se završi na vrijeme.

Ukoliko je utakmica prekinuta iz razloga više sile a prije isteka 80% regularnog vremena ili nije odigrana, Takmičarska komisija će utvrditi novi termin za odigravanje utakmice.

PRAVO NASTUPA IGRAČA;

Član 20.

Na prvenstvenim utakmicama mogu nastupiti igrači koji su stekli pravo igranja u skladu sa odredbama Pravilnika o registraciji, statusu i transferu igrača N/F S BiH.

- **Pravo nastupa na utakmicama lige kadeta za natjecateljsku 2020/21 godini imaju igrači rođeni 01.01.2004.godine, a na dan odigravanja utakmice da nisu mlađi od 14 godina života.**
- **Pravo nastupa na utakmicama lige pionira za natjecateljsku 2020/21 godini imaju igrači rođeni 01.01.2006.godine, a na dan odigravanja utakmice da nisu mlađi od 12 godina života.**
- **Pravo nastupa na utakmicama lige predpionira za natjecateljsku 2020/21 godini imaju igrači rođeni 01.01.2008.godine, a na dan odigravanja utakmice da nisu mlađi od 10 godina života.**

Izuzetno na utakmicama lige kadeta mogu nastupiti i igrači koji su godinu dana mlađi od naznačene godine starosti, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama, pod uslovom da je to i uvedeno u igračku legitimaciju.

Rok valjanosti liječničkog pregleda ovjeren od strane ljekara i zdravstvene ustanove za kategoriju igrača predpionira, pionira i kadeta je četiri (4) mjeseca, odnosno za igrače starije od 17 godina života rok valjanosti liječničkog pregleda je šest (6) mjeseci.

Izuzetno igrač može nastupiti sa potvrdom o izvršenom ljekarskom pregledu ali samo za tu utakmicu..

Član 21.

Na prvenstvenim utakmicama Omladinske lige nemaju pravo nastupa igrači koji se nalaze pod suspenzijom, zabranom prava igranja i automatskom kaznom zbog tri (3) izrečene javne opomene (žuti kartoni).

Automatsku kaznu zabrane igranja jedne prvenstvene utakmice nastale zbog tri (3) izrečene javne opomene igrač izdržava na prvoj sljedećoj prvenstvenoj utakmici.

Igrač koji je upisan u Zapisnik utakmice smatra se da nije nastupio ukoliko nije ulazio u igru.

Klub neće moći odigrati narednu utakmicu kao domaćin, ukoliko delegatu utakmice ne dokaže da je finansijska obaveza sa predhodne utakmice prema službenim osobama u potpunosti izmirene u ruku od 6 (šest) dana.

IDENTITET IGRAČA;

Član 22.

Na prvenstvenim utakmicama mogu nastupiti samo igrači čiji je identitet utvrđen putem fotografije iz Comet sistema, a u slučaju da Comet nije u funkciji, identitet će se utvrditi na osnovu javne isprave: lične karte ili pasoša, odnosno štampane ID Comet kartice.

Igraču sa neadekvatnom pohranjenom fotografijom u Cometu (kada je nemoguće utvrditi identitet), delegat utakmice neće dozvoliti nastup na utakmici. Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

SUCI I DELEGAT;

Član 23.

Komesar/Povjerenik za delegiranje sudaca delegira suce, u skladu sa upustvom o delegiranju sudaca odnosnog stepena natjecanja koje utvrđuje nadležni organ UNSIS a Komesar/Povjerenik za natjecanje određuje delegate za prvenstvene utakmice Omladinske lige.

Suci i delegati određuju se sa liste sudaca i delegata Omladinske lige, a u nedostatku sudaca sa navedene liste delegirat će se suci sa liste višeg stupnja natjecanja Kantonalne liga, Druge lige FBiH, Prve lige Federacije i BH Telecom Premijer lige, uz suglasnost nadležnih natjecateljskih/takmičarskih organa ovisno o listi na kojoj se sudac odnosno delegat nalazi.

U slučaju da na utakmicu ne dođe određeni delegat, dužnost delegata će obaviti/obnašati sudac susreta.

Delegat na utakmici upisuje brojčanu ocjenu od 5 do 10 o uspješnosti suđenja u skladu sa upustvom o ocjenjivanju uspješnosti suđenja koje donosi UNSIS, ocjene se opisuju na obrazcu izvještaja delegata utakmice (Takmičarska/Natjecateljska komisija/povjerenstvo će donijeti uputstvo o radu delegata)..

Ukoliko na utakmici dođe do incidenta, prekida utakmice ili slično, delgat je obavezan u roku od 24 sata dostaviti dopunsko izvješće.

TROŠKOVI SLUŽBENIH OSOBA ZA SELEKCIJE PIONIRA/PREDPIONIRA:

- Troškove službenih osoba snosi klub domaćin utakmice :
- Troškovi službenih osoba kada nastupaju obje selekcije PIONIRI/PREDPIONIRI :

Delegatu utakmice ukupni troškovi iznose :	45,00 KM (četrdesetpet KM)
Glavnom sudcu utakmice :	45,00 KM (četrdesetpet KM)
Asistentu A1 :	30,00 KM (trideset KM)
Asistent A2 :	30,00 KM (trideset KM)

Ukupni Troškovi za obje selekcije iznose : 150,00 KM (stoosamdesetKM)

TROŠKOVI SLUŽBENIH OSOBA KADA NASTUPA JEDNA SELEKCIJA:

- Delegatu utakmice ukupni troškovi iznose :	30,00 KM (trideset KM)
- Glavnom sudcu utakmice :	30,00 KM (tridesetKM)
- Asistentu A 1 :	20,00 KM (dvadestpetKM)
- Asistent A 2 :	20,00 KM (dvadestpet KM)

Ukupni Troškovi za jednu selekciju iznose : 100,00 KM (stotinu KM)

- Klub domaćin je dužan isplatiti službene osobe odmah nakon odigrane utakmice ili u roku od pet dana putem transakcijskog računa po odigranoj utakmici. Ukoliko klub domaćin ne izmiri svoje obaveze u predviđenom roku, klubu domaćinu se ostavlja 24 sata da izmiri svoje obaveze prema službenim osobama i da o tome putem fax-sa obavijesti kancelariju NS SBK/KSB na tel. 030/501 – 290.

PROMJENA TERMINA UTAKMICE;

Član 24.

Utvrđeni raspored takmičenja/natjecanja može se promjeniti, ukoliko je zahtjev za promjenu termina odigravanja prvenstvenih utakmica podnijeti Povjereniku/Komesaru za natjecanje/takmičenje u roku od 8(osam) dana od dana utvrđenog za odigravanje utakmice, a koji sadrži razlog zbog kojeg se traži promjena termina odigravanja utakmice s priloženom dokumentacijom iz koje se može utvrditi opravdanost podnesenog zahtjeva sa eventualnim prijedlogom za novi termin odigravanja odnosno utakmice, pod uvjetom da razlog zahtjeva nije u suprotnosti sa odredbama člana 19 i 20 Pravilnika o Nogometnom natjecanju N/FS BiH.

Ukoliko se zahtjev za promjenu termina odigravanja prvenstvene utakmice podnosi izvan navedenog roka iz predhodnog stavka potrebna je suglasnost drugog kluba koji se navodi u zahtjevu. Navedenu suglasnost dostaviti natjecateljskoj /takmičarskoj komisiji putem Povjerenika /Komesara za natjecanje/takmičenje u roku od 3 (tri) dana prije utvrđenog termina odigravanja utakmice. Odluku po zahtjevu kluba u oba pomenuta slučaja donosi Povjerenik/Komesar za natjecanje/takmičenje uz suglasnost komisije za Natjecanje/takmičenje.

U slučaju kada se podnosi zahtjev za odgodu termina odigravanja prvenstvene utakmice zbog bolesti igrača (trovanje i slično), zahtjev će biti razmatran ukoliko je bolesno najmanje 7(sedam) standardnih igrača, a koji su odigrali najmanje 50% prvenstvenih utakmica u toku tekućeg dijela prvenstva, uz dostavljanje kompletne medicinske dokumentacije od strane medicinske ustanove.

Kada Natjecateljski/Takmičarski organ utvrdi da postoji tražena potpuna dokumentacija, pristupit će utvrđivanju opravdanosti podnešenog zahtjeva donijet će odluku da se navedena utakmica odigra u prvom slobodnom terminu, poid uvjetom da klubovi navedeni u pomenutom predmetu imaju najmanje dva slobodna dana između odigravanja naredne prvenstvene utakmice predviđene rasporedom i kalendarom natjecanja. U svim drugim slučajevima koji nisu regulisani ovim članom odlučit će Takmičarska/Natjecateljska komisija/povjerenstvo.

UTVRĐIVANJE PLASMANA;

Član 25

Plasman klubova utvrđuje se prema odredbama člana 46 Pravilnika o nogometnom natjecanju N/F S BiH i članom 5. Propozicija odnosnog natjecanja.

ŽALBA I ODLUČIVANJE O ŽALBI;

Član 26.

Najava žalbe na odigranu utakmicu u pismenoj formi dostavlja se u roku od 24 sata po odigranoj utakmici, a žalba sa obrazloženjem i potvrdom o uplaćenju taksu dostavlja se u roku od 48 sati po odigranoj utakmici.

Ukoliko rok za najavu i ulaganje žalbe ističe u nedelju ili na državni praznik, rok za najavu i ulaganje produžava se za naredna 24 sata.

Žalba se podnosi Komisiji za takmičenje/natjecanje NS SBK/KSB.

Žalba na prvostepenu odluku podnosi se u roku od osam (8) dana od dana prijema odluke putem komesara / povjerenika za natjecanje Apelacionoj komisiji NS SBK/KSB.

Drugostepena odluka donijet će se u roku od 15 (petnaest) dana od dana primitka odluke.

Drugostepena odluka je konačna.

Protiv odluke drugostepenog organa može se podnijeti zahtjev za zaštitu zakonitosti pravilnika Izvršnom odboru NS SBK/KSBu roku od 8(osam) dana od dana primitka odluke drugostepenog organa.

Izvršni Odbor NS SBK/KSB će po zahtjevu kluba riješavati žalbu na odluku drugostepenog organa u roku od 15(petnaest) dana računajući od dana primitka žalbe, uz prethodno mišljenje komisije za Propise NS SBK/KSB (član 81.Pravilnika o nogometnom natjecanju N/FS BiH).

REGISTRACIJA UTAKMICA:

Član 27.

Ako na utakmicu nije uložena žalba, a ne postoje uslovi/uvjeti za registraciju po službenoj dužnosti sa 3:0 (par- forfe), utakmica se registrira postignutim rezultatom.

Ako je prvostepena odluka pravosnažna, ili je donesena drugostepena odluka, odluka je konačna.

Jednom registrovana utakmica nemože biti poništena, izuzev, ako je podneseni predmet u postupku pred Izvršnim odborom.

Komisija za natjecanje vrši registraciju odigranih utakmica najkasnije u roku od 21 dan od dana odigrane utakmice.

Ako je uložena žalba, rok za registraciju utakmice produžava se do konačne odluke.

TAKSA NA ŽALBU;

Član 28

Uplata takse za žalbu u prvom stepenu za klub iznosi 140,00 KM

Uplata takse za žalbu u drugom stepenu za klub iznosi280,00 KM

Uplata takse za zaštitu zakonitosti pravilnika za klub iznosi280,00 KM

Taksa za pojedince iznosi 50% od takse koju plaća klub.

FINANCIJSKE ODREDBE;

Član 29.

Sve prvenstvene utakmice podliježu troškovima koje snosi klub domaćin a isplaćuje ih odmah po završetku utakmice, iznimno ukoliko se navedeni troškovi plaćaju putem transakcijskog računa, klub je dužan kopiju uplatnice dostaviti u roku od 48 sati po odigranoj utakmici u tajništvo saveza u protivnom klubu se ostavlja rok od 24 sata da izvrši uplatu pomenutih troškova, nakon čega slijedi suspenzija od natjecanja po odluci Disciplinskog suca sve do uplate utvrđenog punog iznosa, odnosno postupit će se po članku 21 ovih propozicija. Visina troškova službenih lica regulisano je odlukom Izvršnog odbora NS SBK/KSB.

Delegat je dužan na brifingu, sat prije početka utakmice, izvršiti provjeru dali je klub isplatio pripadajuće troškove svakom službenom licu pojedinačno što se odnosi na predhodnu utakmicu.

- Naknada troškova za suce u paušalnom iznosu bez odbitka, a na osnovu priloženog naloga, Izdatog od NS SBK/KSB,
- Naknada troškova delegatu u paušalnom iznosu bez odbitka, a na osnovu priloženog naloga. Izdatog od NS SBK/KSB.

POSEBNE ODREDBE:

Član 30.

Taksa na žalbu iz člana 28 ovih propozicija uplaćuje se na transakcijski račun Nogometnog saveza SBK/KSB broj: **1990520044992574** kod Sparkasse Bank dd BiH-Travnik.

Član 31.

Sve što nije regulisano ovim Propozicijama, primjenjuju se odredbe Pravilnika N/F S BiH, Pravila nogometne igre, ostali propisi i odluke izvršnog odbora NS SBK/KSB.

Član 32.

Stupajnem na snagu ovih propozicija prestaju da važe odredbe propozicija usvojene 2019.godine.

Član 33.

Propozicije stupaju na snagu danom donošenja, a primjenjuju se za 2020/2021takmičarsku/natjecateljsku godinu

DOPREDSJEDNIK NS SBK/KSB

/ Softić Najim/sr

PREDSJEDNIK NS SBK/KSB

/Ivan Frljić/vr./